

原正影印

民國佛教期刊文獻集成

任繼愈題



民國佛教期刊文獻集成

任繼愈題

第 129 卷



頻伽音月刊

頻伽音半月刊

佛化新聞周刊

佛化隨刊

世界佛教居士林課程規約

法雨月報

漳州南山學校校刊

中國書局

佛降二千九百五十三年歲次丙寅春節

月

初

者

佛學報社發行

期 貳 第

本報重要啟事

通啟者本頻伽音月刊原定每月出版一期除初版由去臘
釋尊聖誕編輯第一期已於今春正月流通外第二期本應二
月內發行乃因印務延滯遂至耽擱時日屢承
諸仁函詢抱歉無既自後下期悉照原定月刊章程辦理勉副
期望

弘法大德希 亮察焉

歡迎投稿 十方大善識有關於佛學文字度世者本報樂爲
發表其中去取增刪概由編輯部酌定不願者須稿末聲明原
稿恕不發還

本報大加擴張白衆

本報頻伽音月刊初次出世已承 大德諸仁極表贊許仰見
佛力加持二熏普被欣慶同深茲更從第二期起將月刊內容
積極擴張增闢多門取材美備以餉 閱者藉酬厚意幸希
鑒焉

頌伽音目次 (第二期)

圖畫

論說

(一) 佛學為救度現世之真理智

(二) 人類利樂之根因

學理

(一) 八識規矩答義(續)

(二) 十宗法門釋畧(續)

(三) 觀所緣緣論講要(續)

(四) 正續一切經音義提要(續)

歷史

(一) 曹溪佛祖宗法衣鉢肉身叙畧(續)

(二) 提婆大士弘法破外之傳承

講演

(一) 新青年身心修養與直覺的佛法攝義

(二) 念佛戒殺持齋說

研究

(一) 淨土因果

(二) 無我

常識

(一) 吾人何故信佛教乎何為學佛乎

(二) 念佛法門

(二) 蔬食之益

雜俎

(一) 答客問掩關

(二) 世出世之妙道

文苑

(一) 早起念佛

(四) 題贈印西師

(二) 題頌伽音墨硯

(五) 題開權法師肖像

(三) 塚中人歌

傳記

(一) 天台宗智者祖師傳

紀事

(一) 本報奉准立案

(二) 珠江禪寺開新戒堂

編輯緒談

報告

廣告

價目表

釋迦牟尼佛應世二千九百五十三年
中華民國十五年 春 日 出版

價目表

每	半	全
月	年	年
一	六	十二
冊	冊	冊
三	一元六角	三
角		元

編輯所 廣州市西來初地華林寺內賴伽音佛學報社

發行所 (全上)

流通所 (全上)

各佛經流通處均有代理



佛 讚 方 六

如來告舍利弗如我今者讚歎阿彌陀佛不可思議功德之利
六方諸佛亦各於其國出廣長舌相徧覆三千大千世界說誠
實言汝等衆生當信是稱讚不可思議功德一切諸佛所護念
經法滅經云爾時首楞嚴經先滅以次諸經悉皆滅盡獨留無
量壽經度諸衆生蓋佛以念佛一門廣度羣品諸經已滅而不
滅卽是流轉總持之大悲心也自性彌陀唯心淨土則佛念交
融一眞法界獨露抑又禪之至矣聖性皆通歸元無二方達如
來同音之旨願與參念佛三昧者共信念之

南無阿彌陀佛

論說一



佛學爲救度現世之眞理智

式如

如來慈悲本願。增上緣力。若人有信。能入佛法。華手經曰。佛者名爲覺。而諸衆生。長寢生死。不能覺悟。既自覺已。能復覺他。故名爲佛。梵魔喻經云。所言佛者。生死根本。燼盡無餘。諸疑已盡。無所不達。得一切智。尊號爲佛。放光般若云。諸佛所行所證之道名覺。諸佛皆共覺故。故名爲佛。大法炬陀羅尼經云。梵天王問佛。何故名佛。佛言能於生死得覺悟者名之爲佛。廣徵經文。皆以覺故名佛。迷則是衆生。夫智理圓融。法身獨顯。佛所以過離諸惡患也。卽事迷理。違眞逐妄。生死漂流。業報堅固。此衆生所以堪愍也。是故圓滿報身盧舍如來。以平等無礙自在威德。於諸衆生。作大利益。若地前菩薩。二乘。凡夫。未下菩提種者令下種。未成熟菩提者令成熟。未解脫世網者。令得解脫。更令十方一切有情之類。皆生佛國。悉至於泥洹。若諸作菩薩者。皆欲令悉作佛。作佛已。還轉教十方衆生之類得作佛。作佛已。復教一切衆生悉至泥洹。而眞如本際。不生起滅動作。法界常住。諸法以此爲身。故佛身常住。依身所具衆德。亦常住。故經云。佛常住世。教化一切衆生也。顯佛法無量無邊。如阿伽陀藥王。三百餘會所說法。悉是對治羣機。因病發藥。各隨其宜。故

二乘偏空者。說實報莊嚴。行門果位。一一殊勝。功不唐捐。對染着法縛者。又說諸法畢竟性空。空中無佛無法無僧。若有言說形相。是可念者。爲是顛倒。之二說者。體性雖別。爲用則同。蓋破空破有。各隨機根。斯實權智善巧方便。圓通無礙法門。未可執此泥彼也。吾人人生當今日。世運阨窮。久逢末法。故邪見外道。熾然如林。正教之存。不絕如縷。彼醉眊於萬能之唯物說。偏諛之精神學。以正智照之。都不離鬼窟生涯。無常活計。若非以萬法唯心。萬行唯識。痛下鍼砭。膏盲痼疾。奚能霍起。復次。現在殺機正盛。人類相殘。不知伊於胡底。若竟弘不演戒行。使之直接減少殺業亂源。轉無始惡業。生無量功德。以遮無量惡業。止無量三不善根。則煩惱不斷。慈悲不顯。而曰倡言博愛。侈說幸福。庸有濟乎。適招罪報。孽果相尋而已。是故現世衆生。處此五濁之中。欲求救度。應念過去當來現在諸佛勝妙事。優婆塞戒經云。佛有七勝事。故將以須念。(一)身勝。具諸相好圓滿故。(二)如法住勝。(三)樂常無失故。(三)智勝。具一切種智故。(四)具足勝。一切福德圓滿故。(五)行處勝。常在三昧故。(六)不思議勝。六通具足故。(七)解脫勝。一切煩惱正習俱盡故。按以上經言。佛之勝事。簡約言之也。若廣說指數。窮劫難盡。吾人既知(佛勝)。實對(衆生劣)主義。亦知現世苦惱。當求遠離諸患。善哉。天上天下無如佛。十方世界亦無比。世間所有我盡見。一切無有如佛者。故納謂救度現世。非佛法之真實義不爲功。世有大慧。願與從事斯言。

論說二

人類利樂之根因

符苕庵

時至今日。舉世界災禍慘亂。變現極量。無異一脩羅場也。夫成、住、壞、空。因果酬報。繼續不捨。如空華晝舞。如燐火宵飛。迷情妄見。爭逐物境。作爲真實。是以殺、盜、兵、匪、邪淫、妄語、奢侈、爭鬥、烟、酒、賭博。充塞國內。而所謂們羅。帝國。官僚。軍閥。財閥。無政府。社會黨。唯物派。等等學說主義。亦互爲攻擊。昊天不弔。乃更以水旱荒歉。疫癘死亡。助之爲虐。幾令芸芸衆生不滅盡不止。嗚呼。何其酷耶。語云。天作孽。猶可違。自作孽。不可活。今之天災人禍。迭相乘除。吾儕丁此旋渦中。知必腐心焦慮。共思萬一之策。以解決此切身問題者矣。

歎夫。一切衆生。出生世間。受種種苦。無能免者。約攝言之。則有「八苦」生苦。老苦。病苦。死苦。愛別離苦。怨憎會苦。求不得苦。五陰熾盛苦。以上一一苦中。各各復具無量諸苦。所謂苦因。苦緣。苦法。苦業。而一切衆生。悉於其中縛著。最難解脫。是故十方同類異形。雖或種種色身。種種欲樂。種種知見。種種意行。乃至各各差別。一一無量。但其受業繫苦。隨境輪轉。本無有異。以衆生共同業力故。卽內而一己之身心外。而山河大地。

類

伽

音

草木蟻動。上極窮蒼。下徹幽冥。舉莫非不可思議因緣變現也。何以故。十法界之體性。因緣具足。則便顯現。然推求三世一切有情、無情、理、事、法界。恒依菩提心爲建立根本。若無此菩提心。一切法界。都無所依。云何而能示現種種微妙器業。則世界久已斷滅。云何而有今日種種形相。若謂如是生滅。不必由體。則體當自無。寧得有相起。相既然不生。况復能成用。直等兔角龜毛。世間安得有此事物。云何可喻現前境界。如又謂是等不必定本菩提心。及以菩提心爲體。則世界諸有情類、動作云爲。造種種業。靡不由其觀念發生。但彼此心非從他得。復次。無情類中之金石土木。乃至小草。亦自能受地、水、火、風、空、時、六緣。而自生育。設非體本菩提心。則如是理趣。云何解釋。要之世間體性。惟具二種。一者(真)。二者(妄)。或名覺迷。菩提心自性。清淨能起諸善。故爲真。爲覺。無明之本。羌無自體。以其能障諸善。或更造惡。故名爲迷。迷則不真。故復名妄。設謂此等不必體本菩提真心。豈復當本無明迷妄之性。則又此世界體既迷妄。寧有相用。一切衆生及諸人類。乃墮斷滅。云何而能造種種業。若謂真妄兼本。則體性凌雜。世界云何得成安立。至謂於真妄外復有一法能生法界。則是執十九界因七塵合。寧待智者方斥爲非。故知一切法。皆由菩提心出生也。嗚呼。衆生業力。縛繫不捨。故墮入無明網中。飄流生死苦海。一苦乍脫。一苦又生。佛言。如此色身。是大苦聚。奈何世人。橫生歡喜。曾不覺悟若此。

吾人當知。佛教也者。能實證顯說一切之原理。無碍自在。救世大悲。達人生最美最善之希望。解衆生至苦至痛之妙法。當日釋迦牟尼文佛。成就無上正等正覺。三身四智。五眼六通。

。無量百千陀羅尼門。以後說法四十九年。談經二百餘會。凡所言說。無非哀愍衆生。背覺向迷。所以本其慈悲喜捨。法力神通。聰明才智。方便善巧。救度娑婆世界。使一般忍苦衆生。離苦得樂。嘗言「心佛衆生。原是一體。並無絲毫分別。只因迷悟不同。以至彼此隔離。有苦有樂。」噫。吾人試想生此娑婆世界。顛來倒去。數十年日夜憂勞。所爲何事。結局若何。好處安在。唯一的人生觀。苟明萬有唯心。萬法唯識之妙理。便悉所住世界。無非苦穢。所歷境况。無非煩惱。所有生命。本屬無常。所作事業。都歸空幻。所處眷屬。亦爲偶然。湊合。概括計之。祇是經過與際會兩種。云何經過。生、老、病、死、四苦是。云何際會。愛別離。怨憎會。求不得。五陰熾盛是。顧既託生世上。求離苦得樂。人人皆同此心。心同此理。惟是迷途邪見。雖用盡心力。終逃不出八苦範圍。故我佛以一大事因緣。出現於世。就是救度衆生離苦得樂。我佛悲願。至切至深。而衆生悠忽性成。覩慈航而不登。貪世樂而不捨。生生死死。了無出期。佛雖大慈大悲。於衆生又奈之何哉。

或曰。信如子言。然則衆生果乏受渡之緣乎。抑無受渡之心乎。記者曰。唯唯。否否。一切衆生。皆有佛性。祇由障蔽日積。汙染日深。或且以經教繁難。程途遼遠。不會其旨。反因卻步。是以佛法彌冥晦。衆生益墮落耳。本社同人。有鑒於此。不自知其鄙鈍。發菩提心。廣徵博引。三藏五部。條晰融通。性海無際。由約而直溯心源。義諦靡窮。息妄以共盟覺岸。在使衆生迷者回頭。起信參習。斯佛法剝極終復。否儻胥通。悉等視乎迦陵之鳥。頻迦之音。現廣長舌相。徧覆三千大千世界。說誠實言。演微妙法。以渡盡三塗六道之苦。一一令其

論說 二

咸歸極樂。實報莊嚴土也。夫如是。見者聞者。皆發菩提心。遠離苦惱趣。安得謂衆生無
 受渡也哉。或人歡喜。作禮而退。記者乃更爲之頌曰。

藏識海常住 境界風所動 覺海性澄圓 圓澄衆元妙 眞如衆生同 智妄由分別
 迷則魔外傾 悟時煩惱淨 吁嗟復吁嗟 利樂人所求 當知究竟因 不離法佛乘



陸

學理

八識規矩荅義

(續)

式如

(一)信樂大乘。是大淨種子。(二)般若波羅密。是大我種子。(三)虛空品三昧。是大樂種子。(四)大悲。是大常種子。此聞熏四法。爲四德種子。四德圓時。本識都盡。四法本有。卽本有種子也。又或名異熟識。或名現識。或名無沒識。或名隨眼識。復有十名。一七後得名。稱爲八識。二真偽離間。稱和合識。三蘊積諸法。名爲藏識。四住持起發。名熏變識。五轉凡成聖。名爲出寂滅識。八中實非假。名爲體識。九藏體非迷。名本覺識。十功德圓滿。名一切種智識。此識建立。有情無情。發生染法淨法。若有知覺。則衆生界起。若無想無慮。則國土緣生。因染法而六趣迴族。隨淨緣而四聖階降。可謂凡聖之本。根器之由。子識此原。何法非悟。證斯心性。何境不真。可謂絕學之門。棲神之宅也。曰規矩者。乃正方圓之器也。喻八識心。乃範圍三界。萬法之規矩也。方圓不出規矩。萬法不離八識。是八識卽規矩持業釋也。何名持業。謂八識體上自持規矩之業用。故依相宗。作體持業用釋也。相宗凡解名相。必用六離合釋者。謂合以彰其名。離以顯其相。離合釋名。事理俱顯。毫無混濫。二字多字爲名者。必以六離合釋之。但一字爲名者。非離合義。故不用此釋也。云何爲六。一

者依主釋。二持業釋。三有財釋。四相違釋。五帶數釋。六鄰近釋。一若以四十八句頌文。目爲八識之規矩者。是依主釋。以規矩二字爲能依之賓。八識二字爲所依之主。使規矩二字。有所依主。不得混濫故。是八識之規矩。非他物之規矩也。二若以八識體上有規矩之用。是體持業用持業釋也。以規矩二字。是義用即顯八識之體故。從體名用。義用即歸于體也。三若八識二字爲有財主。規矩二字爲客文。即有八識心心之規矩。是將他顯己。有財釋也。四若以八識二字與規矩二字。各有異義。是兩別雙舉。相違釋也。五若以八字爲數用。識字爲心體。即心體上挾帶八之數量。即體挾數量帶數釋也。六若以規矩頌文。鄰近八識五言心體。故曰八識規矩。即居隣近強。隣近釋也。故頌曰。用自及用他。自他用俱非。通二通三種。如是六種釋。謂持業但用自。依主自他俱用。有財用他。相違自他俱非。隣近通二。謂通用他。即有財隣近。通俱用。即依主隣近。帶數通三。謂通自用。即持業帶數也。然則財有財。亦合通自他俱用。如云佛陀是有覺之者。分取他名故也。復有依士釋。即依主分出。所依者勝。即依主。所依者劣。即依士。亦與依主同。故但云六釋。問、性相二宗。有何差別。答、宗相者。即性以談相。縱無爲法。亦有六種。如一念中。有多剎那。一剎那中有多生滅。相最細。故頌云。初生即有滅。難爲愚者說。此方之機。氣大心粗。精神莽蕩。沉埋五欲。我見欺人。不喜多聞而潛證。惟求了悟。以快情。故于微細法相。多不相了。縱有明者。但記其名相。配合而已。如永嘉所謂入海算沙。徒自困耳。宗性者。即相以明性。縱諸有爲法。亦是隨緣真如。無邊剎海。相相皆如。十世古今。心心不隔。然則非相無以顯如。

非如無以融相。棄相談性。是口說性。實不見性。棄性談相。是口說相。實不知相。如一靈丹。十味藥成。棄藥求丹。不可得也。以相宗不明性宗不徹故。卽執七識我見爲佛性。以第八識剎那中生滅相爲眞如。顛預備。自迷迷人。故世尊呼爲可憐憫者。問、經論中法相森羅。牽枝引蔓。不勝其繁。盡欲明之。只益自苦。得不爲棄本逐末。向外馳求乎。答、好易惡難。乃俗士之常情。離相明心。故玄學之僻見。本非末外。相買自心。法爾昭然。何棄何逐。江河之水。源出濫觸。濫觸之源。更有其源。源源不盡。以至相通。則江河之水。爲源大矣。法相雖多。不出八識。八識無體。全是眞如。眞如隨緣。如大圓鏡。一性不移。萬法頓現。可謂無量無邊契經海。一言演說盡無餘。「楞伽」云。凡夫無性自性第一義。作二見論。不覺識自心所現。分齊不通。問、萬法唯心。何以故。答、迷則八識歷然。悟則一源清淨。問、第八識至第八地。答、滅我執者。是前六七二識。初地中用雙空觀。破分別二執。至七地後。斷俱生二執。轉成妙智。無有間雜。故于八地。令八識我見不起。因七地中妙觀察智。威勢強勝。故八地已去。不假功用。如渡舟近岸。在七地著力撐了一篙。後三地之岸。任運而至。非是第八識在八地中。起智斷惑也。故第八識只能含藏。其做事業。俱是第七使第六。統前五而爲之。故第六識業力殊勝。悟則放下屠刀。立地成佛。迷則如箭射頃。墮于惡道。問、如是則了此第六無性。全是第七意根執我而有。意根無性。卽是含藏。含藏無性。卽是白淨眞如。現今日前千差萬別。惑起而不知。念動而不覺。隱然如有鬼神之所驅使。而不得清淨者何也。答、是亦不可強也。自無始來。無明業力。熏習厚矣。山河大地。且